

KARANGAN 11 (O LEVEL)

Sebab-sebab saya akan mempertahankan Singapura jika ia menghadapi bahaya.

BAHAGIAN PENGENALAN

Suasana di stadium negara yang baru dibina riuh-rendah dengan sorakan para penonton yang menyaksikan sambutan hari kebangsaan Singapura. Rakyat Singapura daripada berbilang bangsa memenuhi semua ruang duduk yang ada. Terpancar pada wajah mereka keriangannya yang teramat sangat sedang mereka menikmati acara yang dibentangkan. Sorakan para hadirin memenuhi ruang angkasa saat lagu-lagu sambutan hari kebangsaan yang popular dimainkan. Salah satu lagu tersebut adalah lagu *Count On Me Singapore*. Setiap penonton turut menyanyikan lagu itu bersama hos yang bertugas. Mereka melambai-lambaikan tangan mereka ke udara menjadikan stadium negara kelihatan seperti lautan yang berombakan tangan-tangan manusia. Begitulah gambaran meriah dan bersemangat yang ditunjukkan oleh para penonton dalam sambutan hari kebangsaan di stadium negara. Pasti para penonton ini akan mempertahankan Singapura jika ia menghadapi bahaya.

BAHAGIAN UTAMA

Singapura adalah tanah air saya

Sebab terbesar sekali saya akan mempertahankan Singapura jika ia menghadapi bahaya adalah kerana Singapura adalah tanah air saya. Dengan kata lain, di negara ini saya dilahirkan dan kehidupan saya selama ini saya bina di sini. Misalnya, rumah saya di sini, ahli keluarga saya di sini, tempat bermain, belajar dan bekerja saya juga di sini. Ringkasnya, saya tidak mahu semua ini hilang jika masa depan Singapura menjadi taruhan. Saya akan menunjukkan semangat patriotik dan bersedia mempertahankan Singapura jika ia menghadapi bahaya.

Mudah untuk membina kehidupan di Singapura

Kedua dan sama penting juga adalah mudah untuk saya membina kehidupan di Singapura. Tegasnya, saya tidak dilayan sebagai warga kelas dua di sini kerana Singapura dibangunkan atas dasar meritokrasi. Jika saya sanggup bekerja keras, saya akan berjaya. Hal demikian tidak mudah saya perolehi jika saya memilih bermastautin di negara lain walaupun sebagai warga negara tersebut. Ini kerana negara lain, walaupun mengikrarkan prinsip meritokrasi, pelaksanaannya tidak menyeluruh kerana ramai anggota masyarakat masih lagi mempunyai semangat